

ները չկրկնվեն:

Հանդիպմանն անդրադարձ եղավ նաև Հայաստանյայց Առաքելական և Ռուս Ուղղափառ Եկեղեցիների միջև առկա ջերմ հարաբերություններին և գործակցությանը:

Վերջում Նորին Սրբությունը մաղթեց, որ Տիրոջ օրհնությամբ սերը, հարգանքը և եղբայրությունն առավել ամրապնդվեն երկու դարավոր բարեկամ ժողովուրդների միջև:

ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ԻՏԱԼԻԱՅԻ ԱՐՏԱՔԻՆ ԳՈՐԾՈՑ ՓՈԽՆԱԽԱՐԱՐԻՆ

Հոկտեմբերի 18-ին Մայր Աթոռ Ս. Էջմիածնում Ն.Ս.Օ.Տ.Տ. Գարեգին Բ Ծայրագույն Պատրիարք և Ամենայն Հայոց Կաթողիկոսն ընդունեց Իտալիայի Արտաքին գործերի փոխնախարար Ֆամիանո Կրուչիանելլին՝ ՀՀ-ում Իտալիայի արտակարգ և լիազոր դեսպան Մարկո Կլեմենտեի ուղեկցությամբ:

Ողջունելով հյուրին՝ Նորին Սրբությունը գոհունակությամբ նշեց, որ երկու երկրների միջև հարաբերությունները շարունակաբար զարգանում և ամրապնդվում են: Վեհափառ Հայրապետը հանուն հայ ժողովրդի շնորհակալություն հայտնեց Իտալիայի իշխանություններին և ժողովրդին այն զորակցության համար, որ ցուցաբերվում է տարածաշրջանում խաղաղությունն ամրապնդելու գործում:

Ամենայն Հայոց Կաթողիկոսը ներկայացրեց նաև Մայր Աթոռ Սուրբ Էջմիածնի և Վատիկանի միջև առկա հարաբերությունները և սերտ համագործակցությունը, ինչի շնորհիվ չորս երիտասարդ միաբաններ ներկայիս ուսանում են Կաթոլիկ Եկեղեցու տարբեր կրթական հաստատություններում:

Հանդիպման ընթացքում նաև անդրադարձ եղավ ժողովրդի սոցիալական վիճակին, Լեռնային Ղարաբաղի հակամարտությանը և Թուրքիայի հետ Հայաստանի Հանրապետության հարաբերություններին:

ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ԶԻՆԱՍՏԱՆԻ ԺՈՂՈՎՐԴԱԿԱՆ ՀԱՆՐԱՊԵՏՈՒԹՅԱՆ ԺՈՂՈՎՐԴԱԿԱՆ ՆԵՐԿԱՅԱՑՈՒՑԻՉՆԵՐԻ ՀԱՄԱԶԻՆԱԿԱՆ ՄՇՏԱ- ԿԱՆ ԺՈՂՈՎԻ ՓՈԽՆԱԽԱԳԱՀԻՆ

Հոկտեմբերի 21-ին Մայր Աթոռ Ս. Էջմիածնում Ն.Ս.Օ.Տ.Տ. Գարեգին Բ Ծայրագույն Պատրիարք և Ամենայն Հայոց Կաթողիկոսն ընդունեց Զինաստանի Ժողովրդական Հանրապետության Ժողովրդական ներկայացուցիչների համաչինական մշտական ժողովի փոխնախագահ Սյու Յգյալուի գլխավորած պատվիրակությանը՝ ՀՀ-ում ԶԺՀ դեսպան Յգո Սյուեյանի ուղեկցությամբ:

Հանդիպմանը Նորին Սրբությունը գոհունակություն հայտնեց Հայաստանի և Զինաստանի միջև տարեցտարի ամրացող և սերտացող հարաբերությունների համար՝ նկատելով, որ դրանց արմատները ձգվում են մինչև վաղ միջնադար: Վեհափառը վստահություն հայտնեց, որ այդ հարաբերությունների զորացումը երկուստեք շահեկան է լինելու:

Իր հերթին պրն Սյու Յզյալուն շնորհակալություն հայտնեց Ամենայն Հայոց Կաթողիկոսին չին ժողովրդին ուղղված բարեմաղթանքների համար՝ կարևորելով դարերի ավանդույթներ ունեցող Հայաստան երկրի հետ համագործակցության և բարեկամության առավել ամրապնդումը: Պրն Սյու Յզյալուն վստահություն հայտնեց, որ այս այցը դրականորեն կնպաստի երկու երկրների միջև հետագա գործակցության զարգացմանը:

Հանդիպման ընթացքում խոսվեց նաև Չինաստանի Ժողովրդական Հանրապետությունում այլ կրոնների նկատմամբ հարգուրժողականության ու հարգանքի, կրոնական խաղաղ համակեցության մասին:

ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ՄԱՐԴԿԱՅԻՆ ԱՐԺԱՆԱՊԱՏՎՈՒԹՅԱՆ ԵՎ ԱՆՎՏԱՆԳՈՒԹՅԱՆ ՊԱՇՏՊԱՆՈՒԹՅԱՆ ՄԻՋԱԶԳԱՅԻՆ ԼԻԳԱՅԻ ՆԱԽԱԳԱՀԻՆ

Հոկտեմբերի 24-ին Մայր Աթոռ Ս. Էջմիածնում Ն.Ս.Օ.Տ.Տ. Գարեգին Բ Ծայրագույն Պատրիարք և Ամենայն Հայոց Կաթողիկոսն ընդունեց ՌԴ Պետդոմայի պատգամավոր, Մարդկային արժանապատվության և անվտանգության պաշտպանության միջազգային լիգայի նախագահ, բանակի գեներալ Վալենտին Վարեննիկովի գլխավորած պատվիրակությանը՝ Արարատյան Հայրապետական թեմի առաջնորդական փոխանորդ Տ. Նավասարդ արքեպիսկոպոս Կճոյանի և ՀՀ վարչապետի խորհրդական Ֆադեյ Սարգսյանի ուղեկցությամբ:

Նորին Սրբությունը ողջունեց Մարդկային արժանապատվության և անվտանգության պաշտպանության միջազգային լիգայի նախագահի գլխավորած պատվիրակության այցը Մայր Աթոռ՝ շնորհավորելով Հայաստանում Մարդկային արժանապատվության և անվտանգության պաշտպանության ազգային լիգայի հիմնման առիթով: *«Ուրախ ենք, որ այսօր ավելանում է մեր համախոհների թիվը, ովքեր նաև մտահոգվում են ներկա կյանքի մարտահրավերներով. մարտահրավերներ, որ առավել չափով վտանգում են մարդկային կյանքում հոգևոր և բարոյական արժեքները, որոնցով իրապես պայմանավորված են մարդու երջանկությունը, խաղաղ ու արժանապատիվ կյանքը»*, - նշեց Վեհափառ Հայրապետը՝ բարի արդյունավորում մաղթելով միջազգային և ազգային լիգաների առաքելությանը:

Պրն Վարեննիկովն իր հերթին շնորհակալություն հայտնեց ընդունելության համար և Նորին Սրբությանը ներկայացրեց Մարդկային արժանապատվության և անվտանգության պաշտպանության միջազգային լիգայի գործունեությունը և ծրագրերը՝ վստահություն հայտնելով, որ Հայաստանյայց Առաքելական Սուրբ Եկեղեցին ևս կսատարի ազգային լիգային նրա գործունեության մեջ:

ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ՇՎԵԴԻԱՅԻ ՆՈՐԱՆՇԱՆԱԿ ԴԵՍՊԱՆԻՆ

Հոկտեմբերի 25-ին Մայր Աթոռ Ս. Էջմիածնում Ն.Ս.Օ.Տ.Տ. Գարեգին Բ Ծայրա-